

Ciudad, 29 de Mayo de 1907.

Este documento es auténtico y
puede hacerse uso de la gracia en el
caso de demanda, según las circunstancias que
se expresaran en el decreto del Señor Obispo.
Yo lo declaro. Hijo de Azobis
po. Cay se.

Gerardo M. Henner



B7620

M36



FONDO EMMERIO
VALVERDE Y TELLEZ

106513

3


D. FRANCISCUS DE PAULA RAGONESI
CONGREGATIONIS CLERICORUM REGULARIUM
PRAEPOSITUS GENERALIS

Dilecto Nobis in Christo

Reverendo Domino

Emeterio Valverde Tel.
Por Canonicus in Diocesi
Mexicana.

I. Quum nostrae Congregationis ratio
eo spectet potissimum ut DEI O. M. Bea-
taeque Virginis MARIAE sine labe con-
ceptae, ejusdem Congregationis patronae
praecipuae, cultus apud Christifideles om-
nes ubique terrarum innotescat, ac ma-
gis magisque adaugeatur, et quum Apo-
stolicae Sedis gratia nobis potestas facta
sit parvis coerulei coloris scapularibus
in honorem Deiparae Immaculatae rite
benedicendi, atque ea Christifidelibus im-
ponendi, itemque eamdem facultatem aliis
Sacerdotibus communicandi; hinc Nos
ad Dei Omnipotentis gloriam, et ad Virgi-
nis Matris sine labe conceptae observan-



tiam in dies propagandam augendamque, et ad uberioris animarum emolumentum Tuis precibus lubenti animo annuimus, Tibique per has literas manu nostra subscriptas, et nostrae Congregationis signo munitas (*iis tantum in locis in quibus nostrae Congregationis domus non existant*) praedictis parvis scapularibus, juxta propositas regulas, benedicendi (') cum adnexis indulgentiis, eaque Christifidelibus imponendi, eisque plenariam indulgentiam in mortis articulo (') impertiendo facultatem in Domino concedimus. (')

II Insuper, auctoritate a SS.mo D. N. Leone PP. XIII. per Breve diei 20 Aprilis 1894 Nobis ac Successoribus nostris perpetuo tributa, Tibi perlaudabili zelo in Deiparam flagranti, potestatem facimus parvas coronas precatorias ab Immaculata Concepcione benedicendi (') easdemque

(1) Pro ritu benedicendi vid. pag. 7.

(2) Pro formula impert. hujusm. Indulgenc. vid pag. 9.

(3) Quoties potestas benedicendi et imponendi coeruleum scapulare sacerdoti aliquo munere fungenti (nempe Episcopo, Parochio, Rectori, Confessario etc.) per verbum pro-tempore concedenda fuerit, intelligatur facta ad annos decem.

(4) Pro hujusmodi benedictione nulla adhibetur formula, sed sacerdos facultate donatus super Coronas signum crucis tantum describit.

indulgentias comunicandi, quas Christifideles lucifaciunt, qui preces descriptas in hoc libello recitare solent. (')

Datum Romae ex notris aedibus Sancti Andreae Apostoli De Valle die 12 Iunii 1903

Vigore praesentium conceditur Oratori facultas delegandi alium Sacerdotem, tum ut sibi Sacrum scapulare imponat, tum ut Cristifidelibus, sacro jam scapulari indutis, indulgentiam plenariam (cum in articulo mortis constituti fuerint) impertiat.

F. Regonei Praep. gen lis



J. B. Glicioth C. r. Secrarius

Expensæ L. 2.

(1) Vid pag. 30 Utentes autem his parvis coronulis indulgentias supradictas lucifaciunt per simplicem recitationem duodecim salutationum angelicarum, trium Patrum, et trium Gloria,

MONITUM

PRO DUABUS CAPPELLANIIS ERIGENDIS

Incepta est collecta pro duabus cappellaniis perpetuis. Quilibet ergo adscriptus ad habitum coeruleum qui semel donaverit eleemosynam unius libellae pro earum fundatione (1), particeps fiet fructus duarum Missarum, quae quotidie celebrantur ad altare privilegiatum Archisodalitatis in Ecclesia S. Andreae de Valle, altera pro vivis et altera pro defunctis.

(1) Mittenda est charta summaria carolina vaglia (seu un mandat sur la poste) ad Patrem Generalem Theatinorum apud S. Andream de Valle. Romae.

Ritus benedicendi et imponendi Scapulare coeruleum in honorem CONCEPTIONIS BEATAE MARIAE VIRGINIS IMMACULATAE, quod a Clericis Regularibus, Theatinis nunupatis, ex speciali privilegio CLEMENTIS PAPAE X distribuitur, a CLEMENTE XI approbatu anno 1710.

Qui suscepturus est Scapulare genitac, et Sacerdos superpellireo et stola alba indutus, capite detecto, dicat absolute:

- ¶. Adjutorium nostrum in Nomine Domini.
- ¶. Qui fecit celum et terram.
- ¶. Dominus vobiscum.
- ¶. Et cum spiritu tuo.

OREMUS. Domine IESU CHRISTE, qui tegimen nostrae mortalitatis induere dignatus es, tuae largitatis clementiam humiliter imploramus, ut hoc genus vestimenti, quod in honorem et memoriam CONCEPTIONIS BEATAE MARIAE VIRGINIS IMMACULATAE nec non ut illo induti exorent, in hominum pravorum morum reformationem institutum fuit, bene dicere digneris, ut hic famulus tuus, qui eo usus fuerit, (vel haec famula tua, quae eo usa fuerit) (1), eadem Beata Maria Virgine intercedente, te quoque induere mereatur (2). Qui vivis et regnas in saecula saeculorum. Amen.

Postea Sacerdos nihil dicens aspergit scapulare (vel Scapularia) aqua benedicta: deinde illud imponit dicens:

Accipe Frater (vel Soror), Scapulare CONCEPTIONIS BEATAE MARIAE VIRGINIS IMMACULATAE, ut, ea intercedente, veterem hominem exutus (vel exuta), et ab omni pec-

(1) Si plures suscepturi sint dicatur: hi famuli tui, qui eo usi inerint (vel) hae famulae tuae, quae eo usae, fuerint.

(2) Vel: mereantur.

catorum inquinamento mundatus (*vel* mundata), ipsum perferas sine macula et ad vitam pervenias semperiternam. Per Christum Dominum nostrum. Amen.

*Si plures sint, dicat in principio super omnes: Accipite fratres (*vel* sorores) etc. in numero plurali.*

Postea subjungit: Et ego, ex facultate mihi concessa, recipio te (*vel* vos) ad participationem bonorum omnium spiritualium, quae in Clericorum Regularium Congregatione, ex gratia Dei, fiunt, et quae per Sanctae Sedis Apostolicae privilegium concessa sunt.

In nomine Patris , et Filii , et Spiritus Sancti  Amen.

Dicat trina vice, flexis genibus, Orationem sequentem vulgari sermone una cum adscriptis:

Laudes ac gratiae sint omni momento Sanctissimo ac divinissimo Sacramento (1).

Benedicta sit Sancta et Immaculata Conceptio Beatiae Virginis Mariae Matris Dei (2).

N. B. Hortetur fideles ut haec elegia saepe saepius repeatant.

Nomina Christifidelium, qui S. Scapulare receperunt, inscribantur in parvo Regesto authentico, nuper edito, quod, cum ad numerum 500 pervenerit, remittendum est ad P. Generalem Theatinorum Romae, ut in Archivio Sodalitatis Primariae, pro validitate inscriptionum, asservetur.

(1) Indulg. 100 dier. Decr. Pii VII 30 jun. 1818.

(2) Indulgen. 300 dier. Brev. Leonis XIII 10, Sept. 1878.

FORMULA

Ad impertendam indulgentiam plenariam in articulo mortis christifidelibus coeruleum scapulare gestantibus a sacerdote, qui facultatem habeat benedicendi et imponendi Scapularia coerulea, uti concessit SS. D. N. Leo PP. XIII, litteris in forma Brevis diei 7 Julii 1882.

Y. Adjutorium nostrum in nomine Dni. R. Qui fecit caelum et terram

Ant. Ne reminiscaris, Domine, delecta famuli tui, neque vindictam sumas de peccatis eius.

Kyrie eleison. Christe eleison. Kyrie eleison.

Pater noster: *secreto.*

Y. E: ne nos inducas in tentationem, R. Sed libera nos a malo. **Y.** Salvum fac servum tuum, R. Deus meus, sperantem in te.

Y. Domine, exaudi orationem meam R. Et clamor meus ad te veniat. **Y.** Dominus vobiscum. R. Et cum spiritu tuo.

Oremus.

Clementissime Deus, Pater misericordiarum, et Deus totius consolationis, qui neminem vis perire in tecum credentem atque sperantem, secundum multitudinem miserationum tuarum respice propitius famulum tuum N., quem tibi vera fides et spes christiana commendavit: visita eum, in salutari tuo, et per Unigeniti tui passionem et mortem omnium ei dilectorum suorum remissionem, et veniam clementer indulge, ut eius anima in hora exitus sui te iudicem propitiatum inveniat, et in sanguine eiusdem Filii tui ab omni macula abluta, transire ad vitam mereatur perpetuam. Per eundem Christum Dnum nostrum. Amen.

Tunc, dicto ab uno e clericis adstantibus: Confiteor, Sacerdos dicat: Misereatur ac deinde:

Dominus noster Jesus Christus Filius Dei vivi, qui beato Petro Apostolo suo dedit potestatem ligandi atque solvendi, per suam piissimam misericordiam recipiat confessionem tuam, et restituat tibi stolam primam, quam in baptismate recepisti: et ego, facultate mihi ab apostolica sede tributa, indulgentiam plenariam et remissionem omnium peccatorum tibi concedo, in nomine Patris, + et Filii, et Spiritus Sancti, Amen.

Per sacrosanta humanae reparationis mysteria remittat tibi omnipotens Deus omnes praesentis et futurae vitae poenas, paradisi portas aperiat, et ad gaudia semperiterna perducat. Amen.

Benedicat te omnipotens Deus Pater, + et Filius et spiritus Sanctus. Amen.

Si vero infirmus sit morti proximus, ut neque confessionis generalis, neque precum tempus suppetat, statim ei indulgentiam impetratur dicens: Dominus noster, etc.

Et si mors proxime urgeat dicat:

Indulgentiam plenariam et remissionem omnium peccatorum tibi concedo, in nomine Patris, + et Filii, et Spiritus Sancti. Amen.

SCHE DULA

PRO

JEJUNIO PERPETUO IN HONOREM IMM. CONCEPT B. M. VIRGINIS

Beatae memoriae GREGORIUS PAPA XVI plenariam Indulgentiam et omnium peccatorum remissionem in Domino concessit utriusque sexus Cristifidelibus, qui semel in anno statuta die in honorem Immaculatae Conceptionis Sanctissimae Virginis Mariae jejunaverint, ac sacramentaliter confessi et rite culpis expiati ad sacram synaxim accesserint, ecclesiam Clericorum Regularium, vel aliam, ni adsit, in qua altare ejusdem purissimae Virginis extet, pie visitaverint, ibique aliquandiu juxta mentem Summi Pontificis oraverint. Quare hic schedula adjungitur, quae Romae a Clericis Regularibus distribuitur, ut sacerdoti scapularibus benedicendi facultatem habenti p[re]e oculis sit archetypus, quo facilius piissimam hanc praxim apud omnes propagare valeat.

SCHE DULA jejunii perpetui ab immemorabili tempore in varia Orbis terrarum loca a Clericis Regularibus inuesti in honorem Immaculatae Conceptionis Sanctissimae Virginis Dei Genitricis Mariae.

N. N.

jejunium statuit servare die

dummodo dies dominica, aut festa non sit, quo in casu in crastinam, vel commodiorem quo citius fieri poterit, rejiciatur. Id etiam si infirmitatis, sive legitimi cuiusvis impedimenti causa obtineat.

Si quis autem post sodalis obitum hanc inveniat schedulam, eam ad Clericos Regulares deferat, vel curet, ut alter onus idem suscipiat.

BREVIS HISTORIA

SACRI COERULEI SCAPULARIS CUI CLERICI REGULARES BENEDICTIONEM
IMPERIUNT

Praeclarum ac plane singulare studium, quo benerati Christifideles sacrum Beatissimae Virginis Deiparae scapulare induere flagrant in expressum erga ipsam grati animi obsequii et pietatis testimonium, eidem semper mirum in modum acceptissimum fuisse, explorata atque evidens res est. Id enim factorum claritate, historiae monumentis, apostolicis literis, et pia fidelium fere omnium consensione satis superque comprobatur. Jam vero inter tot ac tanta isthaec religiosis et virtutis opera, quaeque innumeris propemodum indulgentiis ditantur, illu dcertequidem extremo habendum loco minime est, immo vel maxime elucet, sacrum nempe scapulare gestandi, quod in honorem Virginis sine labe conceptae, a sacerdotibus ad id facultatem habentibus benedictum, fidelibus imponitur.

Hunc coerulei scapularis usum instituit primo ac mirifice propagavit venerabilis Dei famula Ursula Benincasa, Oblatarum et Eremitarum a Congregatione Theatina fundatrix, cuius quidem sanctimonia, quamplurimis, iisque acerbissimis, purificata experimentis, absancto Philippo Nerio meritis laudibus exornata est, et cuius admirabiles virtutes heroico gradu peractas immortalis memoriae Pius Papa VI, decreto diei 7 Augusti anni 1793, apertissime declaravit. Haec autem sanctimonialis, ardentissima Dei caritate, ejusque gloria, hominumque salute vehementer incensa, frequentissimis rapiebatur extasibus. Quo factum est, ut die Purificationis Beatissimae Virginis festo, visu contemplari promerita sit Deiparam ipsam albo coniectam indumento, coeruleo altero superposito, unigenitum

infantem ulnis amplectentem, et virginum choro eadem vestimentorum forma indutarum comitata, quae Ursulam hisce verae, amantissimaeque matris verbis affata est: *Eja age, Ursula, ut flere desinas tandem, et suspiria cum purissimo cordis gaudio commutes, quae meus tuusque Jesus, quem gremio complector, dicturus est, attentissime audias.* Haec dulcissima Deiparae dicta divinus subsecutus est Filius, eique aperuit: sacram erenum extruendam esse, in qua eremitarum more sub Immaculatae Conceptionis Mariae titulo tres et triginta degerent virgines, eaque forma et colore induerent habitum, quo tunc ipsam Deiparam uti admirabatur, praeclaras gratias, ac spiritualia bona quamplurima se daturum spondens hoc vitae genus impense ineuntibus, eaque omnia sedulo impletibus, quae in eremo sibi deinceps praescriberentur. At venerabilis Ursula non hoc tantum, sed illud etiam precata est, ut eadem ferme beneficia iis etiam largiretur Deus, qui in saeculo morantes Virgini Matri obsequia sincero ac fideli animo profitentes, et caste, juxta cujusque status obligationes, vitam obeuentes parvum coerulei coloris scapulare gestarent. Atque ut interea se voti compotem intelligeret, adhuc extasi suavissima perdurante, nonnullos intuita est angelos, qui scapularia haec ingenti quidem numero et copia super terram huc illuc diffundentes advolitabant.

Itaque sanctimonialis virgo suis ipsa manibus parva coepit scapularia efformare, eaque Cristifidelibus distribuere, quae a pio quodam sacerdote benedicta magna sane reverentia et obsequio ferebantur. Quo vere magis in dies augebatur pietas non modo, verum etiam pietatis fructus, eoque vel maximo spirituali gaudio, atque intima cordis laetitia replebatur uberrime, simulque ante obitum suum digna omnino habita est,

quae cultum hunc universe receptum, ac plane constitutum videre posset.

Meliorem praeterea adepta vitam venerabili sanctimoniali, in eo totae fuerunt superstites filiae, ut, se ipsas aemulantes, matrem imitari studuerint in horum scapularium diffusione, adeo ut laudabilis ejusmodi usus generalis communisque in ampla Urbe Neapoli haberetur; quamobrem Clerici Regulares, qui eremum a Sorore Ursula poshac nuncupatam moderantur, cum a Sede Apostolica Constitutionum ac Regularum Congregationis illius approbationem nacti sint, ab eadem Apostolica Sede ad id muneric vocati fuere, sacris nimirum scapularibus benedicendi, eaque distribuendi prout sanctimoniales Venerabilis Ursulae antea peragere consueverant.

Hoc clarissime elucet ex literis apostolicis in forma Brevis, fel. rec. Clementis Papae X, quae ita habentur: *Praeterea predictis Clericis Regularibus, Theatinis nuncupatis scapularia parva coerulei coloris hujusmodi benedicendi, illaque Cristifidelibus, sicut praemittitur, distribuendi licentiam et facultatem tenore praesentium tribuimus et impertimur.* Monendum itaque est, tum Cristifideles spiritualibus gratiis, indulgentiis ac privilegiis sacro scapulari adnexis fructuros, cum benedictum impositumque sit a quocumque Congregationis Theatinae sacerdote, vel a quovis cleri saecularis aut regularis presbytero, cui ab ejusdem Congregationis Generali Praeposito facultas et potestas facta fuerit, ut videre est in apostolicis literis in forma brevis, eidem datis die XIX Septembris an. 1851 a fel. rec. PRO PAPA IX, quae sic se habent: *Itaque... tenore praesentium literarum Praeposito Generali Clericorum Regularium, Congregationis Theatinorum nuncupatorum, nunc et pro tempore exi-*

stenti facultatem facimus, cuius vi quemlibet sacerdotem saecularem vel regularem delegare valeat ad effectum benedicendi, et distribuendi Sacra Scapularia B. M. V. a Conceptione Immaculata, prout sacerdotes dictae Congregationis benedicere ac distribuere solent.

Praecipius autem scopus eorum, qui sacrum suscipiunt scapulare, eo spectat, ut scilicet Deum Optimum Maximum enixis exorent precibus ad hoc ut pravi reformatur mores, perversique homines ad bonam frugem tandem aliquando adducantur. Neque vero ad id peragendum appositae jubentur preces, sed vel ferventi fidelium observantiae, vel prudenti spirituum moderatoris arbitrio relinqui cautum est quodnam precum seu afflictionum genus ineant, quodque placitum sibi, divinaeque placationi obtainendae aptum magis et opportunum Beatissima Immaculata Virgo efficiendum inspiret. Atque hic pariter monendum, nulla prorsus culpa aut poena eos, qui hanc proxim omiserint, irretiri; sed hoc in casu bonis spiritualibus tantummodo destitui quae ad ea lucranda, praescriptis operibus junguntur, sacrum nempe scapulare gestandi semper, presque Deo porrigendi justa mentem Summorum Pontificum, qui indulgentias hujusmodi elargiti sunt. Quod si quis brevem et cuique aptam methodum exquirat, parva corona utatur, scilicet quotidie angelicam salutationem duodecies in peculiarem duodecim privilegiorum Beatissimae Virginis honorem, ac ter *Pater noster*, terque *Gloria Patri* in honorem Sanctissimae Trinitatis humillime recitet, sicuti sancto Andreae Avelino moris erat, omnibusque ut id agerent, solerter suadere curabat. (1)

Praeter enunciata pietatis opera tria etiam neces-

(1) *Vide pag. 50*

saria sunt: 1. Animaæ a peccatis omnibus mundities: 2. virtutum exercitatio: 3. Perseverantia in iis erga Beatam Virginem Immaculatam operibus peramanter excolandis: ait enim Bernardus: *Perseverantia sola meretur coronam..* (1)

Scapulare Immaculatae Conceptionis panno aut sagulo (nonnisi ex lana) coerulei coloris efformetur, opus est, uti ex literis apostolicis constat, eo quia scapulare sanctimonialium eremitarum Congregationis Theatinae ita extruitur, quemadmodum venerabilis Fundatrix Ursula Benincasa instituit ac jussit. Quae panno, vel sagulo conjungi solet B. Mariae Virginis Imago, ornamenti loco habenda est, ut Cristifideli pietas magis magisque excitetur. Scapulare autem semper super humeris gestetur oportet, ita ut anterior pars ex humeris ad pectus, posterior ad humeros descendat, quemadmodum ipsa *scapularis* vox significat. Obsoleto denique scapulari benedicto, novum, quo cuique uti necesse est, nova non indiget benedictione.

Atque hic coronodis loco addemus, sanctum Ecclesiae Doctorem, Episcopum s. Aghatae Gothorum et Congregationis Sanctissimi Redemptoris fundatorem, S. Alphonsum Mariam de Ligorio in aureo opusculo, cui titulus: *Le Glorie di Maria* (2) christifides omnes studiosissime hortari, ut sacrum scapulare sumant atque induant, utpote Beatissimae Virginis obsequium gratissimum: ita enim ostenditur fides ejus dulcissimo colti mancipari, et ad inclytam Dei Genitricis familiam pertinere: *Quae, ut inquit Sanctus Andreas Cretensis, cum sit munificentissima, solet maxima pro minimis reddere.* (3)

(1) *Epist. 122.*

(2) *Par. 2 obs. 6.*

(3) *Orat. 2. de dormit. Virg.*